



NAQQIUT

(Siunnersuutip kalaallisoortani siunnersuuteqartup aqqa allanngortippoq)

12. marts 2020

UKA 2021/166

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Illoqarfinni nunaqarfinnilu, immap tinittarnera ulerujussuarterneralu pillugit, angallatinut umiarsuarnullu talittarfiit qarsunneqartaleriartuinnarneri, isumannaannerusumik aaqqissuunneqarnissaat siunertaralugu, UKA2022-mut naammassereersimasussamik Naalackersuisut pilersaarusoqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Siverth K. Heilmann, Atassut)

Tunngavilersuut:

Atassummiit oqariartaasigaarput, pingortitaq aqussinnaanngilarput, inatsisiliortutulli pisut allanngorarneranni naleqqusaanissarput avaqqunneqarsinnaasangilaq.

Kommuunet sanaartugassaat iluarsartussinerit il il nalinginnaasumik 1. Marts nallertinnagu aningaasaliiffigisassatut pilersaarutaasut, Naalackersuisoqarfimmut apuutereersimanissaat piunasaqaataavoq, taamaattorli aamma sanaartorneqareersimasut aserfallassimasunullu nangittumik aningaasaliinerit tulleriaarinermi suliatut aningaasanut inatsisissamut suliarisarlutigit.

Pingortitarsuarpulli allanngorartuutuvoq, pingaartumik qaammat imissineragut (ulikkaarullugu) tinerujussuarterpoq ulerujussuarterlunilu. Angallammik sineriassuatsinni ingerlaartuutuusugut, ikkarluit nuisasannigitsunut nuisanerusaleriartuinnarneri aammalu talittarfiit pioreersut uleruloorneratigut qarsunneqartaleriartuinnarnerat upalungaarsimaffigisariaqalerparput isumaqarpunga. Qarsutsinikkut nioqqutissat allallu assigisaat isumannaatsuunissaat anguniartariaqarmat.



Immap uleruloorneratigut silarlunneratigullu nalaattareerparput, sapusiaareersut allaat qarsullugit inissiat malinnik aqqusaalatorineqarlutik annertuumik aserfallarujussuarneqartarnerat aammalu immap sarfarujussuarneragut talittarfiit il il qarsunneqartalernikuullutik.

Tunngavilersuutigisanni nunatta qeqqaniunerusumi kujataanilu nalaanneqarsimasut aallaaviunerupput, taamaattorli Nunatta Avannaani iluliansuit aserornerini, qaqqaniillu ujararujussuarnik sisoortoqarneratigut tassaarsuortoqarneratigullu, inuit inuunerannik ajunaarnermik kinguneqartareersoq arajutsisimangilarput.

Inuit qinigaattut pisussaaffigisariaqarparput, Kommuunet Inatsisartunilu Nuna tamakkerlugu sanaartorfioreersunik naleqqussarnissarput, minnerunngitsumillu siunissami nutaamik sanaartortoqarniartillugu isumannaatsuutitsinissamik pingaartitsinissarput.

Siunnersuuteqartutuut ilisimalluarpara, pilersaarusionermi akuersisarnermilu akisussaaffik sumiinnersoq. Inatsisartulli aningaasaleeqataasartutuut, siunnersuut tunngavilersuutigineqartorlu inatsisartuni taperserneqarnissaa qularutigingilara.

Pisortanut aningaasatigut allaffissornikkullu kingunerisassat:

Pilersaarusionermut tusarniaanernullu allaffissornikkut aningaasartuutigineqartussat 500.000 kruuniunissaat naatsorsuutigineqarpoq, ukiup ilivitsup ingerlanerani AC fuldmægtigep sulineranut.

Namminersorlutik inuussutissarsiuteqartunut aningaasatigut allaffissornikkullu kingunerisassat:

Soqanngilaq

Innuttsasunut aningaasatigut allaffissornikkullu kingunerisassat:

Soqanngilaq.